

Enformaziuns y Comunicaziuns

Festa Sant Ojöp da Oies: En lönesc ai 29 de jená festejèia la Dlijia la festa dal Sant da Oies. Cöstes é les funziuns co vèn tignides sön Badia y Oies.

Domègna 28/01/2018: ales 10:00 mëssa te dlijia de Badia zebrada dal Vëscò Francesco Sarego SVD, abelida dal Cor de Dlijia de Badia; ales 16:00 mëssa sö Oies, zebrada dal Vëscò Sarego y abelida dal Cor da Longiarü.

Lönesc 29/01/2018: ales 16:00 Mëssa sö Oies con p. Franz-Josef Campidell abelida da en cuartët da San Martin; ales 20:00 Mëssa sö Oies con signor Degan Iaco Willeit, abelida dal Cor de Dlijia d'La Val.

Uniun dles Ères: La Uniun tin na sontada en lönesc ai 22/01 ales 20:00 te calogna.

Meditaziun y leteratöra: Christian Ferdigg spliga y lî fora dal "Cantico dei Cantici" - parores d'amur fora dla Bibia, en dedemesaledema ai 24 de jená ales 20:00, te biblioteca d'Al Plan. Chi co á la poscibilitè, dess se tó do la Bibia.

Sorvisc ai Jogn: Le Sorvisc ai Jogn chir jogn co á ligrèza da laoré con mituns y mitans desco animadus/dësses pal ISTÉ DEBORIADA 2018 (an mëss avèi arjunt la majera eté!). Por enformaziuns cherdé sö le 0474/523070 (lön-jöb, dales 8:00-12:00 y 13:00-17:00) o manuela@jogn.org. Termo por dé jö les domandes é i 9 de forá.

Referat/1: Le Consèi de Formaziun tal Comun de Badia envièia al referat "Co dessi pa ti al splighé? Geniturs a confrunt con le svilup dla sessualité dai mituns". Le referat é en jöbia ai 25 de jená ales 20:00 tla Scora Mesana d'La Ila. Referènta é Giuditta Sereni dal Forum Prevenziun da Balsan. Tema dal referat é i mituns te chisc agn tan particulars, olache ai fej esperionza con i müdamonc de so corp, inamoramonc, i pröms raporc afetifs, la sessualité. Ince i geniturs vèn trac ete y sciömia che an stonta da traté la tematica, ói empó ti dé ai mituns les mius respostes che ara vá. De cösc nen jarára tla serada.

Referat/2: En dedolönesc ai 23 de jená ales 18:00 él te Raiun Sozial ta Picolin na sèra d'enformaziun sön l'aministradú de sostèn (Sachwalter), na porsona co pó daidé t'en gröm de caji chës porsones co n'é daldöt o en pert nia bones da fá da sores o co adora sostèn. Referènta é la licara dra. Ulrike Ceresara dal Tribunal Provinzial da Balsan.

Avis: Da jená ennant él en orar nö dla Portina por l'assistènza y la cura te Raiun Soziosanitar a Picolin. Ara é daverta ma plü dui iadi al'edema: le lönesc dales 13:30 ales 16:00 y la jöbia dales 9:30 ales 12:00. Telefon: 0474/586123 dertan chisc orars.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann B

21.01.2018 - 3a Domègna dal Ann Liturgich

nr. 8

Le règn de Dio é dampró!

Dal Vagnele do San Merch 1, 14-20

Do ch'an á sciüré Jan Batista te porjun, é Gejú endò jü tla Galilea encündenn le vagnele de Dio ¹⁵y dijea: Le tomp é complí, le règn de Dio é dampró. Dede ota y cherdede al vagnele! ¹⁶Canche Gejú passà söla spona dal lé de Galilea, ál odü Sciomun y André, le fre de Sciomun, co sciürâ fora les rëis te lé; ai ea pèiapësc. ¹⁷Y al ti á dit: Gnide do a mé! I fajarâ fora de os pesciadus de jont. ¹⁸Atira ái lascé enló söes rëis y ti é jüs do. ¹⁹Canch'al ea jü en toch ennant, ál odü Iaco, le fi de Zebedeus, y so fre Jan; ai ea te barca y arjignâ ca söes rëis. ²⁰Atira i ál cherdé, y ai á lascé so pere Zebedeus con sü oras tla barca y ti é jüs do a Gejú.


Parora dal Signur. - Lalt a te, Gejú Crist!

I meditun la Parora

Gejú mèt man söa misciun: encündé le vagnele. Al á debojügn de porsones co ti vá do y donti sü colaboradus por amplié söa opera. Desco pröms discepui chirel fora jont sciompla, ala bona, mo a desposiziun. Ince encö él ciamó Gejú co chërda porsones arjignades da ti dediché söa vita al Vagnele y al sorvisc dai fredesc y dles sorus. La resposta mëss ester sonziera y arjignada.

I periun ensciö

Sc'i foss iu sté sön chë spona, Gejú, ne sái nia sc'i ess lascé döt cant y te foss bel atira gnü do. Sambën fossel sté döt val' d'ater: t'odèi de porsona, aldí töa usc, odèi che te mo ciales. Aldédancö stonti deplü da te dí de sciö, canche te mo chërdes a mëssa, ala oraziun, o a en sorvisc a bën de mi fredesc. Damo plü coraje tla vita, da ne fá nia bën dio cunc, canche ara nen vá da te lascé lerch te mia vita. (Da Parola Amica - W. Cazzaniga)



Ulrich Loose

Die Zeit ist erfüllt. Das Reich Gottes ist nahe. Gott, der Erlöser, wird sichtbar in unserer Zeit.

Domègna: 21.01.2018: III. edema dal ann 2018: Sa.Agnes

oferta por i bojügn dlija



- 8.30:** S.M. a La Pli
9.30: **Funziun dli domègna: Uniun dai cristiagn**
10.00: **S.M. pro popolo por döta la Ploania**
Oraziun por la Uniun dai cristiagn
18.00: S.M. por +nt Jan Vollmann, Ras
S.M. por +nt Carlo Erlacher dal Craizer
S.M. por +nt Otto Glück
S.M. por +nta Lies Comploi de Mano

Lön.22.01.: Feria dli 3. edema: S.Vinzenz, Sa.Theodolind

- 7.30:** S.M. por vís y +nc' dli Fam. Goidanich
S.M. por +nt Siur Heinrich Videsott
S.M. por vís y +nc' dli Fam. Crazzolara Milio y Emma

Dédol. 23.01.: Feria dli 3. edema dal ann: Beat Heinrich Seuse

- 19.30:** **Corona por i amarès**

Dédem 24.01.: Memoria de S.Franz da Sales: Sa.Vera, S.Eberhard

- 18.00:** S.M. por +nt Albert Piazza, da Rolata
S.M. por +nc' dli Fam. Comploi Max, Valiares
S.M. por +nta Gabriella Castaldo
S.M. ad intenziun de en püre

Jöbia 25.01.: Festa dli Converiun de S.Paul apostul: S.Titus

Oraziun y vijita privata te dlija y cortina

Vèndr.26.01.: Memorial de S.Thimoteus y Titus: Sa.Paula

- 7.10:** **S.M. por i scolari**
S.M. por +nta Maria Crazzolara, Pedagá
S.M. +nta Paula Rindler de Costata
S.M. por +nta Paula Kaneider d'Andram
S.M. por +nta Hermine Rubatscher geb.Pallhuber
S.M. por +nc' Adolf y Ida de Candido

15.00: **Ora de oraziun**

Sab.27.01.: Sancta Maria in sabato: Sa.Angela de Merici, S.Julian

17.00: **Poscibilitè da se pisié**

- 18.00:** S.M. por +nc' dli Fam. Complojer Tone y Annamaria
S.M. por +nt Jan Vollmann da Taibun
S.M. por +nt Josef Holzknicht
S.M. por +nc' Maneschg da Ciane

Dom.28.01.: IV. Domègna dal Ann lit.: S.Thomas, Aquin

Oferta por i bojügn dli ploania

8.30: S.M. a La Pli

9.00: **Proa dal cor de dlija**

10.00: **S.M. pro popolo por döta la Ploania**

10.00: **S.M. te dlija a Badia con vesco Francesco SVD**

16.00: **S.M. sö Oies**

- 18.00:** S.M. por +nc' Comploi Fighile de Mena y Sorus Colli
S.M. por +nta Agnes Oberbacher, dal Lehrer
S.M. por +nt Graefer Dirk
S.M. por +nta Bergmeister Hedwig



Vigne misciun lascia na locia.

Enlaota pal Le tla Galilea, canche Scimun y André â lascé les reïs y laco y Jan â lascé so pere Zebedeus. Cösc ea ensciö pai miscionars, co s'an jea demez dli patria por encündé la Bona Noela y magari ne roâ mai plö derevers. Ensciö ésera ince al dedaincö, sce por ejompl, porsones vá te convont. Misciun lascia na locia, co pó ince fá me: sides por chi co vá co ince por chi co romagn zoruch. Chël co vëgn cherdé, mëss ester bun da lascé ia y confidé, che la locia lasci madorí de bogh früc.

Iolan ai pëiapësc de porsones

Che i án encö na patria tla fede y tla dlija, édl ince da reingrazié chi co á lascé döt por amur ala fede, y ti é jüs do a Gejú.

Energie des Herzens

Von allen Energien der Welt kann
nur eine einzige
dich glücklich mache.:
die Energie des Herzens.
Das Glück nimmt seinen Anfang
im Grunde deines Herzens,
und du gibst es weiter,
wenn Menschen gerne bei dir sind,
wenn sie sich bei dir wohlfühlen,
wenn du freundlich bleibst,
wo andere unfreundlich sind,
wenn du hilfst,
wo keiner mehr hilft,
wenn du zufrieden bist,
wo andere Forderungen stellen,
wenn du lachst,
wo andere finstere Mienen machen,
wenn du vergeben kannst,
wo Menschen dir Böses taten.
In dir liegt das Glück!
(Phil Bosmans)



„Also, Oliver“, fragt der Lehrer streng,
„hast du diesmal die Rechenaufgabe gemacht?“ – „Ja, das habe ich“, antwortet Oliver stolz, „zehn Mal sogar.“ – „Prima“, sagt der Lehrer, „und zu welcher Lösung bist du gekommen?“ – „Soll ich alle zehn aufsagen?“

Sorvisc dai Ministronc

Lönesc 22/01 (07:30h), Dédemesaledema 24/01 (18:00h), Vëndres

26/01 (07:10h): Marco y Sofia Alberti;

Sabeda 27/01 (18:00h): Serena Alessandri, Lucy Call, Anna y Luca Clara, Hannes y Lara Ploner;

Domègna 28/01 (10:00h): Sofia Castlunger, Emma Daverda, Chantal Feichter, Matteo Huber, Mattia Leggio, Jan Paul Promberger, Isabel y Sandra Ties;

Domègna 28/01 (18:00h): Roman y Tomas Oberlechener, Jan Ties, Gabriel, Paul y Moritz Trebo;

N. B.: Düc i ministronc é entres begnodüs da gni a sorví, ince sce ai n'é nia scric sö!

